




Vuostasj viehkke surggobále

Oajvvadásá ma álkkebun dahki gávnnut soabmása guoran gut surggá.

Surgov ij máhte divvot, valla gá dav juogat de buorebut dav gierddá. Vuodon dán affisja oajvvadásáda li Svieriga girkko guhkaáiggásasj diedo gák ulmutjiit surgon duosstu ja doarjju, ja li dássj muhtema moattet dagos majt mij guorraulmutja máhttep surgulattjaj dahkat. Ale uhtseda binnepeg dagov, unnep dahko aj máhtta ednagav mierkkít. Jus sidá ienep doarjjagav jali soabmásav gejna ságasta de maná tjoaggulvisdåhpåsit. Dån gávna aktavuohtadiedoht ja ienep duohta oajvvadásájt webbabielen svenskakyrkan.se/forstahjelpenvidsorg



Vássteda aktavuoda ávdås

Gájkín ájnnaamos ihkap la mij ep aktavuoda ávdåsvåsstådasåv surgulattjaj bieja. Ep muojon lulu javllat "skuolkasta munji jus la juoga, mån lav dånna" dan diehti gá surgulasj vájbi ij nagá árrót sån gut ietjas gullen dahká. De buorep la jus javllap "Skuolkastav dunji dijstagá vaden, vássteda jus nagá". Muhttijn ij vássteda ja árrus de nåvti, surgulasj ij agev nagá vásstedit, valla máhttep de vaden ja vaden skuolkkat.



Boarkki sjåvodisvuodav

Muhtema dåbdi låssåk la guládit guorraulmutjiit gut surggá. Majt javlav? Javla jus ber sjåvvun jali tjierrogahtá? Valla ájnnaamos ij la mejt javllap ájnat vaj mij sjåvodisvuodav boarkkip. Ja muhttijn la sms:a buorep tjoavdos telefåvnås dajna gá álkkebut tjållá ja rádjá.



Vatte sajev

Ålos gudi gájka ietjasa aktavuodav ja mujtojt mannijn adni suv avta bále álu surggi. Ájnas la mij adnep surgulattjav guovddelin vaj ep ieh-tjama mujtoj ja dåbdojt suv duoppeda. Håhttup mujttet surgulattja dåbdojt vuostatjin biedjat, makkåra ájn li. Mijå ájådaså ja giehto li diedon aj ájnna – valla ålla ájnnaabmusa.



Álgada

Buorre I jus mij gudi suv doarjjop sunji árgga-bargov oajvvadip. Bivddi svarkkaj, gåhttje filmav jali nåvkå våttsatjihtte. Ålos gudi li surggamin åhtsåli bårkatjav ja ieme viesso-mav surgo sinna. Usjudalå sån gev bivddi ihkap vuornnu boahtemis ja dat la dåhkidahtte, ájnnaamos la mij gahtjav – ja mij vat duosstap gahtjav.



Vuosedada lahkavuodav

Ålos mijås balli ilå lahka någgít ja álu håjttå dan låhkåj vaj ep åvvå gulåda. Soajttå nåvti mij ussjolip surgulasj dårba j ráfev adnet jali vuorddep gullumis vehik desik "våråmus la våssåm". Ájnas la mij tjelggasit vuosedip mij danna gåvnnup vaj surgulasj ij aktu, ålggolin jali ebdalussjan dåbdu.



Ane gierddisvuodav

Juohkka surgulattjan la ietjas surggobarggo, mav mij vierttip dådjadit ja gierddat. Máhtta sjaddat nåvti vaj mij gåhttjalip surgov ierijt jaskadahttet jali våjbbap gå ij suono. Surgon ij la buore-mus-åvddåla-biejvve ja ij gåvnnu vissa åjgge surggat. Muhtem ájådasåjt dårba j gårddodit, ja danen dibde duv guorraulmutjav gårddodit, máhtta árrót ájnas oasse dådjadittjav ja surgujn bargadit.